

四庫全書

集部

欽定四庫全書

伊濱集卷九

元 王沂 撰

七言律詩

為上饒鄭良楚賦菊莊

秋菊為糧杞作蔬石泉自鑿帶經鋤
伯休賣藥無人識魯望能文與世疎
沽酒有時招木客揮絃還解出淵魚
晚香採得為親壽坐對南山讀道書

冷泉鄉道中

簡書驅迫走西東原野蕭條歲欲窮草屋斜陽留過客
山田餘雪記來鴻禪心原入西方社世事看如北塞翁
歌罷驪駒始歸去當年王式不須同

宜陽道中

貂裘零落據征鞍兩鬢塵埃一笑還世事遶成羅帶水
客愁遮斷錦屏山呼風喬木氣猶壯不雨孤雲心未安
安得三鄉塔為筆盡書佳句夕陽間

東禪寺

林端孤塔語琅璫
木老烟深路渺茫
嵐氣噓雲吞佛屋
灘聲挾雨撼僧床
休官先製尋山服
避俗重燒結願香
只恐清脩遠公社
未容元亮醉為鄉

感懷

漫郎何事強為官
旅思惓惓帶眼寬
春草池塘詩入夢
杏花時節雨生寒
白鷗雲水盟猶在
老馬風沙興已闌
我愛當年孟東野
歸書只是說平安

遊秦望山

江山歷歷子長遊秦越興亡貉一邱
滄海猶誇鞭石渡仙山曾為採芝求
神鴉上下隨鹽舸官柳參差集成樓
臨眺無窮知古意巖花自雨鷓鴣裘

挽張菊存

樞衣猶記列諸生昨夢那知奠兩楹
任道自期周九鼎論詩人比漢三
明斯文未用悲麟獲令子還能續鳳鳴
愁絕侯芭抱元草西風吹淚濕銘旌

挽沈菊泉

姑孰歸來鬢欲絲
按行三徑菊花枝
琴尊寂寞成千古
邱壑風流自一時
玉樹忍看埋馬鬣
錦囊能復賦蛾眉
生芻遙莫蘆溪道
丹旆風生草木悲

挽何潛齋

漢濱冠蓋自紛紛
遺老翛然玉雪身
白帽空歸滄海客
黃花猶識義熙人
悠悠往事千年鶴
凜凜高風一角麟
精爽邱原藏不得
長虹會見燭蒼旻

挽張書巢

青門冠蓋日紛紛
大室脩然獨見君
元晏自憐長卧病
茂陵誰復東求文
橘洲田土無新業
書幌塵埃有斷熏
不待隣人解橫笛
西風吹淚濕江雲

水木清華亭

湘中處士絕塵氛
歲晚移家寄白雲
棋局偶攜林下看
鯨音時向葦間聞
鹿門妻子甘長往
谷口聲名莫見分
翹足故林歸未得
舊盟空愧海鷗羣

和楊汝似奉遷三朝御容玉堂詩韻二首

玉函寶軸降琳闕
曉色扶桑眩晃間
天濶鼎湖龍自去
秋高汾水鴈空還
衣冠久矣藏原廟
羽衛猶疑幸道山
儒館小臣生獨晚
却從圖畫望龍顏

冠劍星羅拱北辰
魚龍曼衍列勾陳
遙瞻天仗移金界
尚想鑾輿下紫宸
瑞日瞳矐浮絳闕
仙雲縹緲護宮茵
道旁鮐背咨嗟久
曾是先朝擊壤民

為貴溪張真人賦象山道院

勝地豈惟仙窟宅
仍聞先哲此絃歌
氣涵金碧溪山秀

澤潤詩書簪組多
穠秣花浮香遠屋芙蓉旗動影搖波
祝釐他日從天下
重寫黃庭換白鵝

題浮雲道院後記

木奴秋實綴黃金
桐樹孫枝斲素琴
浮世幾迴丹轂換
故山依舊白雲深
知魚日日來濠上
抱甕年年老漢陰
倦客題詩一惆悵
有盟重與海鷗尋

瑞雲宮道人索詩書此以遺之

仙崑石髓碧崔嵬
曾見神仙幾度開
七字持身慙聽瑩

一言悟主本非才偶逢和璞何勞問不識桃椎亦漫猜
記取明年杏花發道人休忘我曾來

送道士徐中孚之武當

桃花流水絕塵囂絳節霓旌到沆寥天姥峰高先見日
龍池波動暗通潮芝田自合仙人種琪樹那容野客樵
後會皇家祝釐事為君騎鶴過山椒

留題靈泉觀

山城三月客添衣賦就閒居却自違春水畫橋人獨立

夕陽茅屋燕相依百年杯酒留連醉萬事風花自在飛
我愛聖門蘧伯玉回頭二十八年非

太行道中

岡巒重複勢奔羣石磴參差齒露齟人似夏蟲初見雪
馬如饑鶴欲穿雲并州豪俠凋零盡晉國山河遠近分
却怪無情是汾水流波日日送斜曛

題西嵒書院

湖上新居絕垢氛湖邊石筍挿層雲堦前書帶長堪剪

沙際拏音速更聞明月只捐神女佩光風誰續汜人文
一麾吾欲淮南去叢桂山中有古芬

避雨淨土院遂宿是日春盡

風助灘聲入夜喧雨供苔色上僧垣鶯花昨夢空禪榻
蠶麥歸心入故園少日鮎魚思上竹年來野鶴畏乘軒
山靈珍重巖間石留寫先生醉後言

登越州古城

參差殘雪照樓臺晚上孤城眼豁開嵐翠週遭迷禹穴

海雲明滅認蓬萊
千年往事空流水
一片殘碑自古苔
惆悵稽山無賀老
輕舟載酒為誰來

題耿叔開政績卷

上都留判平疑獄
沙苑鷹師脫械時
太史已書循吏傳
廣文仍賦好賢詩
園扉一旦銷冤氣
老吏經年費獄辭
見說長楊新校獵
歡聲雷動羽林兒

遊普照寺弔張齊賢墓

遠客相逢飯顚山
飄然瓶錫為誰還
朱門畫戟何人問

古像昏燈盡日閒
異卉風前紫錦帶
遙山木杪吐青鬟
老僧心已如枯木
為報禪門不用關

和景充梅花詩韻

殘雪離離點燒痕
畫橋流水夕陽村
玉妃謫墮緣何事
翠羽飛來亦斷魂
寶髻斜簪春意好
羅帷深護晚香繁
滯留東洛身千里
孤負西湖酒一尊

哭次兒仲孚

風雨他山竟不歸
重闌老淚豈勝揮
丁寧地主看新壟

太息隣家乞故衣住世百年誰不死過庭萬事痛相違
青春況說升平近白首何堪骨肉稀

送蘇伯修侍郎扈蹕之上京

晴川金鯉出芙蓉持橐仙郎得句無禮樂又新三代制
丹青應上兩京圖雲端馴象扶雕輦仗外明駝絡寶珠
擬待賜酺祠馬祖華光星裏望驪駒

送謝子良驛丞之京

水驛論交舊著名春城分袂若為情空羣奇驥長千里

惜別流鶯更一聲
白下雨收梅子熟
清江風過柳花輕
歸船暫泊應回首
五色雲中是玉京

小孤山

江風澹澹散江烟
聖母祠邊曉泊船
萬壑奔流東赴海
孤山拳石上擎天
花留瑤靨珠纓合
樹繞粧亭水鏡懸
絕頂盤雲看未了
似聞神語珮泠然

送左衛教授馬伯誠

將軍緩帶擁輕袍
俎豆初陳卷豹韜
祇許攜壺來問字

何須舞劍助揮毫
旌旗影逐春風轉
絃誦聲連夜月高
細柳依依莫留客
蘭臺給劄待英髦

送胡古愚左衛教授

落絮飛花送客舟
樽前容易失詩流
也知太史才名舊
自是將軍禮數優
說劍夜窻銷蠟炬
橫經朝幕坐青油
漢庭正議東封事
莫向周南嘆滯留

送李禎之東陽教授

敬亭山下宛溪頭
曾見騎驄汗漫遊
留滯京華追往事

蕭騷鬢髮又驚秋。仁風欲贈袁宏扇。朗詠誰同謝朓舟。
極目亭前佳勝地。一杯還憶故人不。

送趙德翁教授常德州

問君捧腹笑何事。笑我生逢雌甲辰。豈但下帷傳老子。
翻然回棹覓秦人。伏波祠畔青楓晚。招屈亭前白芷春。
莫把新詩教楚女。竹枝歌罷恐傷神。

送黃希明教授南歸兼寄其父秋江徵士二首

少微曾近上台明。歸棹秋風白髮生。霄漢鵷鴻驚昨夢。

田園竹菊寄高情青山遙望雲行影玄鶴欣聞子和聲
想見鄉人攜酒炙擁門爭賀綵衣榮

靈椿堂下綠陰成萱草堦前綵袖明行比一鄉能飽德
思封千戶却辭榮鴈行坐致朱輪貴鳩杖何妨白髮生
從此門閭表通德諸郎即便合自升卿

題天衣寺

書堂無復晉風流翠蘚丹梯屐齒留雙澗聲搖維衛室
十峰嵐擁法雲樓歸來野鶴三千歲覽盡支那四百州

金縷木蘭何處問松花自雨黑貂裘

東伯兄子教授

兄弟情親六十年幼時相契老依然文章猶愧三王後
風度渾如兩晉前江閣艤舟勞遠顧林亭下榻阻相延
玉虹元接龍灣水別去音書許鴈傳

送吳興相錄事

摇摇畫舫逐鴻輕雲水東南一月程丹鳳門前攜酒別
駱駝橋上折花迎溪山莫厭登臨樂閭里能忘俯偃情

不見風流松雪老墨池春草為誰生

雪後出近郊書寓目

醉面衝風酒易醒
破冰泉脉響泠泠
梅花全露天然白
山谷難藏雪後青
老馬長鳴疲犖确
病身隨影怪伶仃
歸來寂寂虛齋冷
石鼎雲翻煮茯苓

和魏伯時灤京秋興薇垣書事一首

秋著龍沙白草纖
周廬擊柝令霜嚴
珊瑚鐵網枝應老
仙掌金莖露又添
馳道屬車回豹尾
天門虎士盡虬髯

仙郎持橐歸來早馬上尋詩吏隱兼

送傅士開之守饒州

故人薊北想風標候吏江東望畫橈共喜疲民蘇劇郡
其如舊德去中朝淮陽卧治何妨遠宣室思賢未覺遙
莫道尺書誰與寄琵琶洲畔水通潮

同孫景賢登陳霸先高城

霸先城郭眺新春還共孫郎話昔人兵下粵南曾駐古
園移梁祚遂歸陳麥苗秀匝中軍壘草色晴斑邏騎津

今古興亡同一慨龍州景物更傷神

題董宇定杏林書虞伯生詩後

小車初駕試春衣三月城南花亂飛紅杏不須令虎守
黃庭時許換鵝歸山中羽客曾相問天上文星漸覺稀
准擬明年寒食夜重攜樽酒說芳菲

越王臺

崇臺遺構碧岩嶢南越何年霸業銷漢節早隨雲北去
禺山猶在海東潮鷗鴟芳草王孫怨鴻鴈秋風荔子凋

能賦登高今老大都將清興託漁樵

五言排律詩

北上三十韻

封軺趨召亟夙夜敢懷安
入直羞持被馳邊示據鞍
朝舖猶觸暑夕憇遽凌寒
蔓草風吹綠繁花雨染丹
行山疑路盡出嶺信天寬
井近馳羣立沙柔象跡團
霧衝泉喜動雲斲石愁剗
薄賦茲多稼勤田復刈管
免置施涿鹿麟數絡桑乾
鳥道車重轍仙方客借翰
逶逶僧舍曲

矗矗酒檣攢大海將昇日支流即瀉湍君臣嚴漢制禮
樂屬周官扶杖思迎拜園橋擬聚觀來朝煩就聘奔走
愧傳餐有秩軒黃策無勞綺季冠採芝歌眇眇種菊去
盤盤白髮從余懶青衿賴爾懽惜苔因病鶴養竹為翔
鸞尚此糜倉廩寧徒陟巖巖亦塵浮目睫元淖漬絲棼
鷄塞霜凝露龍門水漲瀾冰脂羊尾割葑蜜馬酥搏蓐
食仍杯飲陶居亦考槃生微紈袴習粗給室家完文物
昌期會光華首善端同文通肅慎奏賦見烏桓魚笏留

青鎖樓船汎碧灤
錦京歌在藻殷輅御和鑾
僵侵陪朝論空傷六義殘

見子山尚書

學禮趨庭日傳經相漢年
帝思麟閣像臣獻栢梁篇
清澈金莖露芬芳玉井蓮
塤篪鳴自合星鳳覩爭先
委佩青冥上含香日月前
才名應間出忠孝實雙全
東壁圖書府西垣翰墨筵
囊收封事草袖拂御爐烟
簪筆烏臺峻鳴珂粉署妍
聖情常有眷雅量獨脩然
側聽經綸密

曾窺琬琰鐫薛慙懸溜直楮媿畫沙圓綠玉蠻溪硯金
花內府牋草工王逸少筆諫柳公權昭代俱登用微才
獨棄捐雕蟲蒙記憶轍鮒定應憐病馬猶思秣枯桐或
可絃激昂中散曲飄泊孝廉船白帽尋歸隱緇衣竊好
賢山林甘潦倒霄漢仰神仙

鏡檻詩擬李義山體

照獸金塗爪釵鸞翠縷翹梅添妝後額柳妬舞時腰未
暖羅衣換先春綵勝飄深情眉上覺密意眼中饒惆悵

朱絃瑟殷勤白管蕭黃蜂偷蜜露翠羽拂蘭苕東海麻
姑信西河阿母朝簾開仙珮近車去異香遙莫把犀如
意時簪玉步搖塵飛青犢憶花壓畫欄橋越網千絲密
巫山一段銷屏山終礙路溝水不通潮窈窕烟光好丰
茸草色嬌金泥書繭紙珠淚聚鮫綃才子芝田賦仙人
紫府謠試憑梔子帶重問木蘭橈

送傅汝礪教授之羊城

貢玉堂中客梅花嶺外遊儒衣輕結束祖席且淹留古

昔文為理詩家自一流明珠堪結佩白璧可聯鈎飛動
催雷電微茫犯斗牛王楊端有體沈謝亦相伴前輩嗟
零落風騷阻道修千人一日曉十度九言休之子年方
盛詩名孰與儔才華紅錦綴塵土黑貂裘狗監無人薦
雞林有價酬張騫回漢節王粲在荊州鳳詔論功早皋
比屬望優番禹秦郡縣泮水魯諸侯象跡烟中堞鯨波
雨外舟榕陰迷粵徼柳色寄盧溝諸老皆青眼橫經尚
黑頭相思應有寄清絕變蠻謳

送天師還山二十韵

三十
九代

奕世元功著清時景運昌宗風從此振神教本無方綠
繡傳天語奩香出未央九莖紛婀娜萬鶴下翱翔北極
星辰近三山日月長椒蘭紛馥郁璧玉爛華光壇宇垂
黃蓋天門奏綠章羽衣凌縹緲金節倚蒼茫默爾精誠
契油然協氣滂甘霖蘇衆槁快雪表殊祥襍禩耕無勸
汙邪載可望飛花深一尺宿麥富千箱餘潤沾袍濕殘
飄拂面揚芝華高擁坐桂醕滑流觴宣室承釐後浮邱

挹袂行昔聞黃石履今避蓋公堂道大心無累功成世
與忘樓船飛弱水仙袖拂扶桑園綺雖千載崆峒自一
鄉詞林書樂府靈德永無疆

題趙敬甫右丞經筵奏議藁後

泰定開皇極文星拱北辰雍容治安策宥密老成人廟
筭推先覺天聰斷若神百年興禮樂一德會君臣超漢
開東觀歸周書逸民給符鳴玉佩賜坐列芳祠敷奏天
嗟晚論思地更親清都零雨露仙樂罷韶鈞渾渾唐虞

典熙熙宇宙春侍臣工點筆少府寵頒銀側聽經論密
恭惟德教淳越裳來白雉宮沼出黃鱗丙魏聲名舊夔
龍寵渥新佇看歸補袞圖象在麒麟

送汪臣良餘姚守十韻

貢玉堂中客西陵渡口舟人呼前太史官是古諸侯共
道還家樂仍傳得郡優石淙懸雁蕩嵒翠壓龍湫訪隱
過梅市登高賦越樓稻花風着水蓮葉雨爭秋但使民
無訟何煩里有謳人生五馬貴肯為一錢留江海誰狂

客溪山是舊游鏡湖何日賜吾欲弄清流

挽丁文苑

北闕收科日東州半刺翔吳鉤利鋒鏖西玉美琳琅攻
苦甘餐藥摧枯快擊彊詩書名已著霄漢路應長蘭省
初騰價儀曹轉耀鉉欲興周禮樂要補舜衣裳羽衛驚
傳警櫓槍怒益張從來身滿膽那惜皂為囊力挽千鈞
弩精聞百鍊鋼忠言昭日月真氣攝豺狼豈特銷氛祲
居然振紀綱周官嚴掌計漢署貴含香持節分吳會鳴

珂出帝鄉鋤奸到根節遺愛洽耕桑三翼江流白千峰
木葉黃弄兵封劍閣燃燧照清湘韜畧知無敵威懷各
有方浮雲開斥堠飛鳥避風霜宇宙歸遼鶴波濤怒楚
艍一時悲耿耿千古闕堂堂故篋遺文在新阡宿草荒
素風知不墜能世有諸郎



欽定四庫全書

集部

伊濱集卷

十至十二

詳校官庶吉士

臣初喬齡

侍讀臣孫球覆勘

謄錄監生

臣嵇承羣

謄錄監生

臣吳壽康

欽定四庫全書

伊濱集卷十

元王沂撰

五言排律詩

舒獻軒為謝庭學賦十三韻

草屋何年築溪流幾許深
濯園歸濯足捫蝨細論心
漁父拏舟過村翁挾冊尋
古來真隱逸原不在山林
木客能沽酒淵魚解聽琴
焚香清玉案採藥白雲岑
晚圃菰裁綺春籬筍脫簪
高情終的的逸足自駸駸
蛺蝶依芳

草蜻蜓下碧潯悠然觀物化政爾忘年侵得意同濠上
忘機老漢陰自書高士傳閒和散人吟何必蘇門嘯風
泉有好音

送陳雲嶠太祝

孝理嚴周監宏摹軼漢儀舞先陳羽戚器敢闕尊彝犧
象形模在雲雷刻畫奇星占使者動工考聖人為魏國
佳公子孤標照等夷春衫裁白苧醉墨灑烏絲重過鳴
珂里依然洗玉池祠官從昔重歸騎不應遲紀瑞催麟

筆包鋒敝虎皮禮成無墜典神醉答繁釐太液千年鵠
齊房五色芝散材遺世用猶解薦歌詩

詠天妃廟馬援銅鼓

南海天妃廟今存馬援銅大音猶戰鼓餘韻或疑鐘世
駭流傳舊人推鑄冶工蟾蜍圓頂列翡翠繡文重蹲踞
環旁峙周圍體下空響令羣隊進降見百蠻從一代經
營意千年戰伐功金湯全漢域銅柱界充封零落香烟
裏淒涼異代中海祠難獨立神物會當逢

寄南臺張雄飛

不見張都事詩名到處傳
齋房歌瑞草清廟奏朱絃
琢句嚴秦法揮毫染蜀箋
驄青明劍閣衣繡濕蠻烟
返照咸陽樹西風建業船
鳳臺天上客烏府幕中仙
櫟散吾甘老蓬飄子獨憐
驪駒王式傳白髮廣文羶
賴有巾醺酒初無易絕編
烏頭何日白馬首定誰圓
欲繼還山集猶堪面壁禪
寒燈搖遠夢殘歷卷流年
思逐南飛雁悠悠入楚天

題光孝寺

昔者虞翻苑今存大鑒燈法傳三世佛教演六朝僧祝
髮餘孤塔談經契上乘鑑懸明月滿樹聳上雲騰稽泚
知皈仰因時感廢興南宗更綿邈千載說盧能

送徐復初檢校淞省

畫省分僚重湖山待客來莫言江路永先見蠟梅開世
業歸清議明時得異材賦因鸚鵡著裘費鷗鷺栽粉署
文書少郎官宴賞陪蘇堤移彩舫葛嶺上丹臺逸翮何

妨遠神駒不待媒明年青瑣闥佇聽玉珂回

和蘇伯脩授經筵進講詩韻

元統千齡運虞廷六府脩奎躔環列宿虎觀奉宸旒雲
繞蓬萊仗春回太液流登瀛更寓直稽古贊謀猷共仰
天顏喜俄傳夕箭浮化興周禮樂技拙楚倡優雨露承
華蓋神仙望彩舟給符鳴玉佩賜燕設王羞青瑣歸應
晚雲臺議已酬史臣書盛典嘉應續陽秋

冬日同李仲善登慈恩塔

郭外慈恩塔晴登獨嘯歌雕簷撐漢立繡拱列星羅氣
蟄龍蛇窟陰森鳥雀柯東西旋日月表裏見山河語笑
空中應遊觀却後過錦川晴泛泛陽嶺秀峨峨文采諸
僧少名公一縣多天梯如可到從此振瓊珂

題李仲賢御史遠情亭

一斛冷冷水叢生裊裊荷仙人田種玉織女錦成梭縹
緲穿朱戶徘徊泛素波薰風吹不盡涼露洗還多準擬
修書傳依稀聽櫂歌初隨雲共去又與月相和寶鏡涵

光炯烟幢自蕩摩宿醒時為析佳客數相過爽氣金天
豁英姿豸角我願言期歲晚君子意如何

古宮人怨

雉葆趨平樂鸞旗幸上林粧成陪玉輦舞罷墜瑤簪綵
剪迎春勝樓穿七夕針辟塵犀鎮幙結繡鳳盤衾慚鵲
來依沼因魚泣滿襟拊心顰可效掩鼻謗還侵螢度羅
帷影苔生玉砌陰昭陽雲渺渺長信月沉沉却為承恩
夢翻搖望幸心風簾疑仗影曙鼓悞車音笥有題詩扇

囊無買賦金香憐衣舊賜貌怯鏡重臨忽見龍池草春
來色自深

題象麓書院

坐對山如象逍遙風滿林野雲依古木澗水落危岑鸞
鵠翩然下靈祇肅有臨谷神端不死木客總能吟曉放
傳書鶴宵聆搗藥禽芝田耕白鹿丹鼎化黃金理要同
根極塵寰自古今昔賢談大道而有會余心欲往從遐
躅蒼蒼烟霧深

伊闕道中紀事

伊闕春先去河堤日又斜青林明宿鷺白水拂鳴蛙歲
月供詩筆關山寄馬樞物情齊木鴈世味識梨查柳老
蟲書葉溝晴鳥篆沙錦衣翻稚竹粉淚墮危艷容袂空
寒食歸期定削瓜夢驚蕉底鹿愁怕酒中蛇寂寞先賢
墓悲涼故相家鳳凰鳴久絕鷓鴣事空誇訪古心猶渴
懷人思未涯青衫壯夫淚不是聽琵琶

送洪萬戶歸麟州

天馬三韓牧麟州獨請纓車書周制度帶礪漢同盟鴨
綠江頭戍鷄林海外城神仙餘氣色草木識威名甲地
烏衣舊賢郎秀骨清名藩常特顧魏闕自含情祖帳傾
冠蓋前驅植旆旌秋風正搖落為賦赤霄行

劉氏孝行詩

盛族金刀裔荒阡又幾春草長迷馬鬣松老卧龍鱗種
德由來遠承家定有人山烟開莽蒼石筍露嶙峋欲祭
烏先集同羣鹿自馴繫牲碑有待下馬客來頻通籍金

門貴羅階玉樹新清時崇孝理風俗坐還淳

送趙繼清推官潮州

昔宋南遷日更生望獨尊漢庭多側目湘水竟招魂遺
廟榕陰古孤城海氣昏百年悲故老昭代見聞孫董澤
新封殖潮陽又拜恩公侯終必復風義凜猶存北闕聲
名久南圖羽翮騫理官應暫屈經術要重論梅發連溪
白龍流觸石喧欲歌神燕喜先要獄平反碧漾椰漿美
丹明荔子繁懸知閑木索時為薦蘋蘩

秋堂為劉會宗御史賦

燕處何瀟灑堂堂定幾弓秋光今日好州望古來雄歷
架多黃卷傳家有素風使君熊畫軾御史馬乘驄鎮幕
犀紋黑堆窻柿葉紅露凝金掌迥冰瑩玉壺空草綠垂
書帶香清長桂叢何時德星聚南望思無窮

送陳彥和院判

祠官嚴漢廟孝理洽虞廷皇眷雖云渥臣心自不寧星
辰天上直松栢夢中青詔許辭丹陛咨嗟聳縉緹賜金

夸父老上塚戀林垞耿耿徵君傳翩翩御史銘豐碑磨
琰琬潛德播芳馨邪許遙傳響龜螭暗露彤書工追鳥
篆辭簡法麟經化鶴歸來晚攀髯涕又零天恩何以報
事業在青冥

題史顯夫行春圖

麟藪風烟古雞栖興緒長朝端慕安石里社祝庚桑濟
世歸彝鼎行厨費素裝無煩掃門客肯問吐茵郎金屑
晴沙軟文茵細草芳題詩憐石淨釀酒愛泉香顧馬應

煩數逢鷗不亂行
欣欣觀物意
袞袞惜流光
花片隨芝蓋
鶯聲送羽觴
因尋藝蘭畹
又過讀書堂
見畫先遐想
聞風更激昂
一厘如可授
吾亦此徜徉

次吳彥暉望月寄張孟功韻

仙翁能作霧神女解為雲
玉斧知何戶
靈槎欲問君
燕斜釵漸冷
烏渴漏先聞
鳳脰燈無焰
龍鬚褥有文
畫眉開鏡匣
整髻拜爐薰
鵝素裁歌扇
蛟綃織舞裙
蘭宮針競巧
桂殿杵常勤
鑑箔搖清佩
窺簾散異芬
蠟珠看欲

濕瓊液飲還醺莫為光無定輕將壁半分

坐青華瑞芝亭

縹緲清華界依稀白玉京只疑存太樸渾擬問長生日
月環中度樓臺劫外成拂衣梅雨細吹面竹風清身與
羣仙會心將萬化并何須歎萍梗且共駐蓬瀛花影瑤
階碎茶香石鼎烹盞簪來子晉援筆序彌明雅致傳仙
鏡高懷遠俗情不知塵世上聞得步虛聲

題呂仲實嶺南詩藁

攬轡澄清志囊封獻納忠扁舟唯載石瘦馬却裝戎象
跡煙中堞鯨波雨外蓬蛇珠人有斛粵布我無筒精衛
岫山盡靈槎與漢通歸來詩滿卷細說嶺南風

題賈侍郎九十壽

種德由來遠承家有子賢靈著叢五色瑞鶴羽千年嘉
樹應親植方瞳或是仙楊公清四世柳氏訓三篇省署
郎君貴容臺典禮先恩榮兼父子冠蓋兩聯翩會見升
歌奏何塵祝哽前高裁靈壽杖遠致菊潭泉更行期頤

箕丹臺姓字傳

答丘貴中

十日龍岡雨官居小似船誦君詩有味令我坐如禪清
吸金莖露高攀玉井蓮春雲多態度越女獨嬋娟寫物
疑圖畫娛情入管絃錦袍行見奪蠻帳定應傳自愧非
摩詰還能致浩然灤江春水綠好染浣花牋

賦瓊花送班惟中淮東使

后土祠前樹唐昌驗昔聞初開疑剪水已落定為雲皓

月迷清影微風散異芬羽衣輕縹緲鶴馭遠繽紛移種
寧無地留仙自有裙素娥恒獨立姑射本超羣物外春
常好人間日易曛花時應折寄歲晚惜離分從此無雙
譽留芳待使君

七言排律詩

送進士

朝廷文物稱今日鄉郡榮歸及歲除江驛早梅迎去棹
都門殘雪送征車極知民社才堪任見說山川畫不如

地枕烏黎人少訟湖連彭蠡戶多漁時將舊政詢遺老
莫把新科聽小胥樂後登臨窮勝槩恩先拊煦到荒墟
洞庭波濶帆來小夢澤天低鴈過疎湘竹淚痕思二女
楚蘭秋老弔三閭卉衣乍見巴童舞蒟醬遙通蜀客書
千載際時思奮發一杯分手莫躊躇恭聞聖主臨軒日
一似仁皇籲俊初他日御屏題姓字期君跋馬茂陵居

送進士

漢庭發策進英奇兄弟收科古亦稀佐幕南州留語別

成名北闕謝恩歸瀟湘水濶秋容淨衡嶽峰多少照微
木客朝沽虛市酒鮫人夜織貝宮機懸知政著循良効
始信家因孝友肥民尚魁奇應服教地饒早濕旋裝衣
催科肯賴文移力執訊奚勞木索威觀化豈無漁可問
寄書還有鴈回飛公門槐柳閒青晝驛路烟嵐落翠霏
三戶楚謠傳自昔九疑虞葬是邪非天心籲俊超千載
大厦求才要百圍莫厭臨分多苦語老夫前日忝青闈

醉鄉詩為阿魯威學士賦

南園寂寂幾經春草木還曾識鳳麟不獨文章高一世
由來道誼重千鈞乾坤勝槩寧無意今古神交自有人
惟以壺觴留好客却拋軒冕樂閒身蒼苔蠟屐曾留迹
白日窪尊絕點塵適意滄浪誰與濯忘機鷗鳥自相親
一川花氣晴雲熱萬壑松聲夜雨新要識經綸存妙理
坐令風俗盡還淳儀型久矣瞻耆德物論終期領搢紳
早晚避堂先舍蓋定應容吏吐車茵

發赤城

龍開蒼闕石嶢嶢夜半何人挹斗杓黃道中天停晝日
尾閭通海溢春潮分當從索勞驅馬獨借仙梯好射雕
雙壁矗雲神禹鑿萬鑪積鐵女媧銷雨中客過歌無渡
風裏人來拾墮樵東素洛神深作宅騎鸞秦女上吹簫
巨鼇戴首三山立大颶驚輪六鷁飄趨走兩京今白髮
不辭衝暑又乘輶

送張提點

西來柱史駕青牛函谷當年紫氣浮道德五千多妙旨

陰陽八九本同流漢家相國傳清淨楚澤羈臣賦遠遊
終古至言懸日月而今衆說起戈矛極知慈儉持三寶
未信烟霞隔十洲絳闕朱宮窮勝槩金函石室契冥搜
異書或向人間得玄論還從物外求境勝神光常燭夜
山空琪樹不驚秋谷神善用無多語關吏相逢定少留
南望滄江虹貫月為君沙際候歸舟

五言絕句詩

雜興

客枕睡初醒
窻前大雷電池上
春水流落花
應片片
二月春江淨
村村事浣紗
機梭夜分急
輸布與官家

虎峯

亭亭虎鼻峰
正對南溪樹
似與遊侶人
共識遊山處

墨竹為蕭生鵬漢題

育德培諸孫
揚梢軋雲出
虛心方自持
勁節不可屈
南溪好竹林
搖落青不改
長就拂雲梢
裁竿釣東海

墨竹為劉生以傳題

宇宙孤高慣風霜慄烈餘蕭然林下趣清節有誰知
雨露生成早輕盈翠欲交春風開錦籜已放拂雲梢
槎翁墨梅為劉生以傳題

野外羣芳盡江南十月寒一枝春色早猶似玉堂看

石湖

我愛湖上居家家種楊柳解識愁人心門懸掃愁帚

欽定四庫全書

伊濱集卷十一

元 王沂 撰

七言絕句詩

芍藥茶

瀛洲憶昔較羣材一飲雲腴睡眼開
陸羽似聞茶具在謫仙空載酒船回

灤水瓊芽取次春仙翁落杵玉為塵
一杯解得相如渴點筆凌雲賦大人

揚州四月春如海
綵筆曾題第一花
夜直承明清似水

銅瓶催火試新芽

余往年試上京鄉貢士於集賢署邢君遵道惠茶號灤水瓊芽今俯仰七

年而遵道捐館久矣其子克世其業攜茶過寓舍為賦小詩三首山陽聞笛之感同一慨然也

木芙蓉

白露江清水殿涼
館娃宮裏宴吳王
美人醉起更衣晚
密帳溫帷翡翠粧

小孤山書所見

春風江上碧如苔
上有祈靈水殿開
江北女郎南仕客

夾紗團扇柳陰來

河東道中

綿河流水暖生煙
罨畫春山半映天
霸業銷沉誰與問
行人猶指介推田

官渠楊柳未勝鴉
山路春寒不見花
日暮介休城下過
帽簷斜側避風沙

和杜德常早春二首

鳳城晴日媚游絲
城外人家雪半扉
莫倚小桃春事早

便教蝴蝶奈寒飛

市橋官柳占春濃
冰破龍鱗碧映空
聞道漢家三十六
一時迎燕轉溫風

春興

古壕晴綠不勝舟
落絮殘紅蕩漾愁
山鳥喚回春色去
又催斜日下城頭

雪巖蕭寺

雪巖曾訪坐禪僧
衲被蒙頭喚不應
說與擔囊行脚者

石頭橋滑要人登

題尚縣尹詩卷

心在春暉寸草中
挂冠端有古人風
安仁謾說閒居賦
不似陳情表最工

送湖州張教授三首

詩人合住水精宮
採得蘋花思未窮
紫笋甌中消白晝
碧瀾堂上試春風

洞庭霜降橘先黃
酒釀烏程水自香
正是江南好風景

夢隨君去過錢塘

採菱歌斷綠楊風
蕩槳吳娃莫惱翁
驚起鴛鴦一雙去
苔溪西畔雪溪東

讀長安志書事十二首

芳草離離卧石麟
野棠花發不成春
耕夫拾得盤龍鏡
曾照昭陽第一人

繡嶺官前路已迷
暖泉輕噴玉參差
夕陽牛背誰橫笛
疑把開元舊曲吹

魚龍浮動玉蓮湯殿閣參差壁月涼羯鼓聲高催衆樂
梨園新按荔枝香

內官扶下畫雲輶僊掌金盤露已凝好去通天臺畔望
驪山高處始皇陵

待詔公車歲月深談諧無那老侵尋誰教但索長安米
不羨長門買賦金

鴻都門外馬頻嘶薄暮塵飛咫尺迷寶劍微紅漬餘血
鳴鞭夜出灞陵西

翠微煙冷草迢迢
百二重關王氣消
却是梨花寒食夜
月明秦女自吹簫

玉碗何年出茂陵
西飛青鳥竟無憑
石欄照見苔花碧
山鬼時來弄漆燈

茂陵玉碗出人間
青鳥西飛竟未還
山鬼時吹漆燈滅
石欄花老碧苔斑

弄影驕驄逐鈿車
臘脂坡下柳藏鴉
忽聞長樂鐘聲動
忘却金鞭碧玉家

漢家賜第灞陵東，衛霍邊廷第一功。
莫種朱門楊柳樹，年年容易換春風。

五陵佳氣晚濛濛，擁蓋鳴珂處處同。
盡道鸞珠尋董偃，誰能載酒過揚雄。

和馬伯庸見寄詩韻四首

淮南叢桂婆婆綠，借問騷人若箇來。
歌罷小山招隱賦，風吹書冊滿床開。

故人南望隔長淮，不及寒潮日往來。
聞道賜金供置酒，

八公山對玉樽開

清福堂前步綠苔捲簾何處燕飛來
山中藂桂留人住
嶺上梅花莫謾開

今朝把酒忽惆悵驚見淮東驛使來
為報相思似春色
南枝開盡北枝開

綿江

綿水溶溶淡夕暉杜鵑聲裏送春歸
落花無數依芳草
零落文君舊錦機

過華清宮三首

昔年繡嶺宮前路曾嘆開元鶴髮人
今日我來人不見
野棠花似昔年春

珠殿遺基滿綠苔空餘繡嶺鬱崔嵬
開元舊曲無人解
山鳥猶啼阿湓堆

白玉芙蓉水氣凝依然御路直青繩
祿山舞破咸陽處
知在雲間第幾層

春晝

山鳥無聲春晝長一簾幽夢了春光垂楊直恁多才思
故著清陰護海棠

李早畫金人射鹿

故家鞍馬亦豪雄弦箭如誇數助工只恐平原麋鹿盡
角弓原不耐霜風

洛濱探春二首

銅駝巷陌幾斜陽又見天涯柳色黃一夜東風能爾惡
梅花狼藉馬蹄香

山寺聞鶯驚客意
市樓沽酒壓春寒
極知花事歸桃李
冷落殘梅更好看

寒食二首

枯桐突兀立空庭
寒鵲驚飛遠月明
不記牆西有叢竹
夜深何處寄秋聲

北去南來了一年
書生身世只堪憐
思親欲寄平安字
難覓東吳萬里船

畫眉石

隋宮百斛分螺綠何似文君鏡裏山千載餘妍化為石
玄雲不受古苔斑

題楊元仁所藏畫竹

石上湘雲擁翠翹美人望望隔秋宵釣竿掛向珊瑚樹
擬掣鯨鯢候海潮

宿觀音寺

紫羅山口梵王宮一樹凌霄自在紅我悟色空心似水
禪床閒卧月明中

斷香浮月磬聲空古像荒涼慘澹中猶以聲音為佛事
高灘流水竹林風

題米元暉楚江清曉圖

沙際潮生沒釣磯遠峯雲破吐脩眉是中應有滄浪客
閒把漁竿詠楚詞

慶懽堂

盡敬忘飭在色難馨香夕膳潔晨飧吾生此樂知無日
空向南陔賦采蘭

瑞應圖

紫房葉底粲扶疎
莫遣山童擷野蔬
老圃能為天竺字
神仙不解世間書

栽花玉洞避秦人
仙實偷來漢侍臣
試問園基橘中老
商山何似武陵春

茂陵

仙姿淑態夢依稀
方士瀛州採藥歸
桂館煙消九華帳
劉郎還道是邪非

黃堂東夜詞二首呈金子仁大參

簾底移琴錦帳張梅花枝上月如霜羽書忽報諸州捷
敲折珊瑚一寸長

茜色紗籠絳蠟殘綺窻斜月轉雕闌當筵賦得陽春曲
喚取銀箏按拍彈

貴妃欠伸圖

睡覺深宮日正遲流鶯飛上萬年枝起來却背東風立
猶似華清按舞時

宮詞

宮鴉催日上宮牆
天仗雲開五色光
多少龍池楊柳樹
清陰留得蓋鴛鴦

海波涵碧遶紅牆
影射龍舟潋灩光
知有才人弓箭立
沙頭驚起兩鴛鴦

發成都三首

山禽言語各清圓
馬上時聽當管絃
拂面南薰吹衆綠
行人昨日度西川

鹿頭西望錦官城千里川原掌樣平今日鹿頭還北望
聯峰疊嶂翠相迎

路入新都勢漸高錦官城樹細于毫不因劔外無嚴武
却是尊前欠薛濤

王母醉歸圖

宴罷瑤池入醉鄉醒來又見海生桑詎諧不悟東方朔
偷得仙桃獻漢王

又西王母圖

白鹿閒騎佩捲霞漢宮猶望紫雲車殘桃欲種千年實
却羨羊家萼綠華

中山道中四首

中山去京五百里客子倦于三月程借得郵亭暫容膝
古槐陰裏亂蟬鳴

渡頭秋水深沒馬沙嘴菰蒲高出人我亦江湖釣竿手
征衣又帶帝京塵

皇家昔歲祠恒嶽乘傳詞臣自作碑今日重來追往事

青山偏映鬢絲垂

迎人孤塔亭亭立送客青山滾滾來日暮摩笄城上望
夕陽西下鳥飛回

題秉燭圖

秋河織女夜如年小立昭陽花樹邊莫倚天堦月如晝
忙催阿監舉金蓮

登李太白捉月之亭訪溫嶠燃犀之所覽草廬
吳先生蛾眉亭記宋漕使韓南澗及學士歐陽

圭齋樂府李溉之長歌慨然有賦

牛渚磯頭捉月亭古今臨眺總文星
風流往事憑誰問
天上飛仙醉不醒

吳氏雄文久勒碑韓歐樂府世稱奇
淋漓醉墨長歌好
尤憶山東李溉之

越王臺

越臺西去路茫茫日暮風吹百草長
草際牧兒時隱見
去尋臺上未歸羊

題猴馬圖

雄姿不受絡頭絲
野性能忘失木悲
安得長林連曠野
驕嘶芳草掛藤枝

九歌圖

霓旌羽蓋望繽紛
江水楓林思逐臣
莫道九歌空諷楚
那知三戶竟亡秦

筆精吾愛李龍眠
滿紙萼絲滑且圓
多少郢中歌舞曲
風流還向畫圖傳

宿桃源宮

月滿空山竹滿亭石泉留客語泠泠
夜闌忘作丹邱夢
貪誦黃庭一卷經

馬嵬

華清宮畔是驪山合近溫泉葬玉環
若使廟堂姚宋在
鈴聲不到劔門關

蛾眉玉質委塵埃方士靈香海上來
一種妖魂招不得
馬嵬何似習仙臺

題二屏

武陵溪畔數枝紅移在維摩丈室中結習已空花不住

更消啼鳥喚春風

右桃花
畫眉

日暮盈盈翠袖寒玉容寂寞晚香殘飛來好鳥多才思

喚得春風滿畫闌

右梨花

題睢陽五老圖

夜闌天祿照青藜雲卧商山賦紫芝何似脩然五君子

讀書渾忘髮成絲

和謝敬德題杜宏道西巖小隱詩韻

十載含香侍禁闈故園芳草望人歸山應有意為青眼
雲本無心化白衣

東華立馬語匆匆一別西風又斷蓬揮麈不須談世事
抱琴時復送飛鴻

笑脫朝衣掛碧蘿却從隣叟借煙蓑門前有客休迎肅
只道西山爽氣多

聞君結屋近西山知在燕南趙北間黍熟東臯多釀酒

杖藜吾欲扣柴關

春江待渡

遊絲飛絮攪離心
莫放蘭舟出柳陰
分袂渡頭愁幾許
桃花晴浪半篙深

樂潛齋書事

六年流落放歸時
好似能言老令威
自問毳毼翎翅短
不知鯢化與鵬飛

倦禪時作橐駝坐
窮妄羞為猛虎吟
今日回光還照色

向來求佛本無心

檐上秋香日日新也施朱粉媚時人萬松好在黃千葉
老棘風霜亦自春

詩翁老作枝江令辭吏歸來四壁空潛德欲書先友記
淚河傾洒白楊風

獨憐今代張平子學海源源赴百川歲晚夷門兔園冊
飢吟滿眼濕新煙

先生屢作退飛鷁尚吐白虹牛斗間憔悴侯芭抱玄草

一杯遙酌玉泉山

石塘文章天與力九鼎十鼓驚時人天閑如海養羣駿
獨棄江南一角麟

送孔生之鹽官

詩禮相傳自過庭還因會計著聲名寧論積雪飛霜句
佇看調和傅說羹

送郭仲實

知君時倚月波樓領取南湖十頃秋回首東華塵土裏

有人相憶並鞍游

墨梅

煙冷吳宮幾斷魂
飄零江北未知春
畫圖一見參差是
猶怕青腰玉女嗔

一聲羌管月明天
零落徐妃白玉鈿
惆悵香魂招不得
瑤臺十二鎖寒煙

花光墨梅

玉笛聲中作雪飛
含章人恨曉粧遲
冰紈依約春風面

莫問南枝與北枝

羅浮招得玉妃魂，曾倩花光為寫真。
準擬明年林下見，風姿還似卷中人。

題淮陰侯廟

旌旆逶迤出井陘，何人掉舌下齊城。
漢家擗足分封日，合把黃金鑄鄼生。

海月圖

水輪洶湧出雲濤，萬里遙分玉兔毫。
望見瀛州方丈否，

乘槎語欲問盧敖

洄漣亭詩三首

亭下春波照眼明
濛濛飛絮亂新晴
傳呼驛吏休催馬
待我憑欄聽曉鶯

斷碑文字費窮研
絳守名高長慶年
一段江山清勝地
無人收拾舊風煙

吏人移石放泉流
百斛明珠散不收
化作雙龍舞亭砌
寒光二月冷涵秋

易元吉猿圖

舞劍有時矜矍鑠留環底用化嬋娟何如子母空山裏
澗飲巖棲樂自然

蒲坂道中

鸛鵲樓空草色新杏花零落野渠春清波搖蕩東風影
疑是崔徽自寫真

妬女祠詩二首

妬女祠前春草齊敗牆重看昔年題只愁花落啼山鳥

路入秦川更向西

東風吹雲不成雨
馬首黃塵翻海波
欲過并州重回首
高城不見意如何

題菊隱

紙筆不事陶令子
蓬蒿沒人仲蔚居
何如寄跡萬人海
坐對晚香聽讀書

鳳翔驛二首

粉白猩紅記去時
歸來風雨洗芳菲
一川野菜黃花滿

小蝶叢叢占夕暉

浮甑香粳膾錦鱗蜀薑巴筍厭芳辛一杯脫粟和羊酪
始信今朝是北人

題白海驛

沙龍海白漢離宮武帝曾來看射熊霜露不寒仙仗暖
旌旗十萬障秋風

寶雞驛詩二首

去年山桃花滿枝歸來結實小垂垂林間鸚鵡應相問

馬上尋詩客是誰

路入褒斜虎印泥天連蜀棧子規啼今宵却是中原客
行盡青山到寶雞

題邢氏家傳

駕鶴羣仙不可追卷中重讀舊題詩去天尺五邢家宅
春雨年年長玉芝

即事

午醉醒來坐晚涼一杯湯餅菊苗香山城好箇清明節

啼鳥落花春晝長

浦口雜咏次劉吟所

江浦蘆灰酒最多
江頭人唱竹枝歌
坐看畫舫高低處
又是潮來水漫波

蟠桃圖

老樹春風歲歲芳
冰盤佳實厭甘香
瑤池笑殺西王母
何事千年始一嘗

欽定四庫全書

伊濱集卷十二

元 王沂 撰

七言絕句詩

上京

離宮金碧鬱嵒巍，祇隔灤河一水遙。
知是上林來進果，鈴聲隱隱轉山腰。

黃金布地寶陳華，香漾薔薇洗佛牙。
甘露穴中遺舍利，神光五色瑩無瑕。

曼衍魚龍雜梵儀
金仙來降鳳城時
都人稽首瞻雕輦
漠漠祥雲護彩旗

白面王孫家五陵
朝回新賜雪毛鷹
金溝芳草沿堤綠
蹀躞花驄驕不勝

龍綃衣薄怯新涼
銀葉煙消換日香
休畫修蛾鬪雙綠
柳風吹淡漢宮黃

滇池細馬四蹄風
白玉雕鞍繡結鬚
爭把珊瑚鞭指點
飛塵先入建章宮

鐵幡竿下散燈回
茜褐高僧夜呪雷
明日皇家賜酺宴
秋雲漠漠曉光開

輓轡金井促晨粧
珠帽紅靴小作行
爭向銀床拾梧葉
夜來秋意到長楊

黃須年少羽林郎
宮錦纏腰角觥裝
得雋每蒙天一笑
歸來騶從亦輝光

龍沙白草望參差
苜蓿蒲桃記種時
待詔侍臣已華髮
梨園休奏玉交枝

賁渾法輪寺阻雨四首

燈昏丈室雨聲寒
料理禪床蝶夢殘
惆悵陸渾房次律
琴中不識董庭蘭

風鈴驚鵲未安枝
山月窺床夢斷時
休問甕中書在否
前身知是永禪師

野衲窮年靜愛山
白雲一塢竹千竿
庭前柏樹何須指
架上楞嚴已不看

欲寫新詩調比丘
芭蕉葉老不禁秋
法輪要識無窮轉

雲自長空水自流

題德興董孝子傳後

芝山脩竹拂雲高
歲歲慈鴉占作巢
無限春風採蘭意
江湖天濶足風濤

雲臺觀寄張宜相

蓮花峯下對爐薰
坐待飈車過羽輪
欲問山靈乞飛翠
囊封寄與學仙人

山茶

青雀西飛阿母宮
霓旌羽蓋綠雲中
丹砂費盡三千斛
染出仙衣鶴頂紅

題並騎圖

上林苑內辭同輦
繡嶺宮前語並鞍
紈扇秋來猶在篋
香囊塵暗莫重看

與劉志善談詩

風氣開時習俗移
文章千變亦如之
當時不是毛韓輩
雅頌寥寥說向誰

過古伊陽縣

汝流浩浩鬱黃霧紫羅山腰欲無路可憐客子無安棲
不及浮槎有高樹

寄四川支文舉三首

昔年我作成都客酒釀郫筒日日攜惆悵浣花溪上路
亂山無主子規啼

雪衣勸酒能呼客烏鬼啣魚自上船多少海棠花上露
春來不染薛濤箋

蜀梅纖縷蜀薑辛
暈碧裁紅更可人
待詔相如苦消渴
煩君為寄錦江春

寄賈本二首

遙憐問事賈長頭
翠樹嵩雲又一秋
我寄雙魚問消息
誰能遣騎覓扁舟

君歸耕種水南田
我望神崧一慨然
安得攜琴午橋路
竹陰多處瀉寒泉

送鄭生之靖州知事

賣刀買犢趁春耕共說冰壺莫厭輕
過得沅湘故人少芳馨欲寄若為情

河東試院書事十首

把卷燈花綴玉蟲懸知冀北馬羣空
錦袍落魄并州客曾識當年郭令公

風簾漾日影鱗咫尺中分越與秦
莫道霜袍如立鵠河汾還有著書人

偶從連蜺議雌霓堆案森森束筍齊
簾捲虛庭羣吏散

古槐陰冷暮禽棲

雕蟲燕說竟如何未必冥鴻在網羅
重理槐花少年夢
自憐樗散鬢絲多

銅盤官燭淚成堆過鴈聲聲叫夢回
想見京華秋意好
小園黃菊待人開

陣布常山器械屏姓名應染武都泥
漢家肯許黃金鎰
萬斛丹砂鑄裏蹄

睡起挑燈自寫題青綾半擁聽鳴雞
坐中執法霜威肅

過眼誰云五色迷

空階墜葉響琅玕
鳥鵲無聲白晝閒
忽意河汾隱君子
夢中攜酒石州山

漢武汾陰會百靈
樓船簫鼓徹青冥
年年后土祠前路
落葉秋波似洞庭

蒼煙白草古離宮
不見宮花向日紅
欲問晉陽興廢事
亂鴉飛盡夕陽中

寶雞縣壁見張雄飛杜德常二御史詩

嘉陵江水淨無泥江上青山是寶雞古驛荒涼誰與語
故人詩向壁間題

解虎圖

宴坐空山性自圓短筇服猛立翛然極知解鬪修行力
何似相忘未鬪前

看山

昔年騎馬看青山曾與青山共往還今日居家亭子上
依然山在白雲間

和陸友仁尺五城南詩九首

尺五城南油壁車香輪輾破綠無涯
遙憐館娃宮外路應與裙腰一道斜

尺五城南日正遲遙憐江上草薰時
梅花落盡不歸去惆悵玉釵生網絲

尺五城南歲又除坐看春色滿皇都
東家剪綵作蝴蝶西舍然燈迎紫姑

尺五城南側玉壺歲粧舞帶拂氍毹
酒酣莫把朱櫻擲

獺髓補痕郎有無

尺五城南柳色新
縹窻不識曉街塵
桃花一夜開無主
鸚鵡明朝錯喚人

尺五城南日半曛
金羈繡轂兩紛紛
羯鼓聲催柘枝曲
葡萄酒污石榴裙

尺五城南第幾家
燕姬留客醉琵琶
秦娘莫與新粧好
走上皋橋空折花

尺五城南思澤侯
從奴斜抱白貂裘
禁街鐘盡無人問

千騎鳴笳踏月遊

尺五城南賈客船
吳綾賣盡買茸氈
猶嫌吳女吳音拙
載入都門學管弦

題竹

簣簣偃竹何年寫
石上孤根碧蘚封
煙雨從教藏翡翠
風雷慎勿起蛟龍

復齋詩為李彥方作

廬陵李直卿以復名其齋求予詩久未暇也今日雪

霽登樓偶得此遂書以贈顧惟聖門精微網領宜淺陋能窺祇增三嘆

焚香清坐翫義經一氣循環自不停造化密移誰解得
窻前草色又青青

李侯索我復齋詩此理難明信者稀要識聖人端的意
須于動處見天機

萬化根源天地心幾人于此費追尋端倪不遠君看取
妙用何曾間古今

渭北春天送王君實御史西臺

渭北春天驄馬行蜀江波照綠衣明
蒟醬遙聞通道路

卑囊何以答升平

渭北春天柳色青
暫辭鴛鴦出蓬瀛
風光正好若為別
花發鳥啼空復情

渭北春天引興長
登臨誰共繡衣郎
漢家宮殿生秋草
秦國山河半夕陽

渭北春天縱目初
曲江樓上獨躊躇
長安煙樹多如薺
望見蓬萊雲氣無

渭北春天午睡餘
諫章封了夢清都
羽陽宮瓦堪為硯

閒寫先秦古器圖

書貢生慈母傳後

魚軒未入甘泉畫彤管先書太史辭寸草春暉何以報
南陔正是采蘭時

題看雨軒

江雲漠漠樹濛濛葛服龍鍾寄短蓬憶我滄洲十年夢
不知身在此軒中

折花

折花不用散花天自挿銅瓶貯石泉莫恨洗粧無一物
維摩方丈本翛然

聞鶯

衣染鶯黃濕未乾高枝顧影怯春寒數聲飛入林深處
姪姪嗔人著意看

宮人聽琴圖

幽閒曲奏鳳凰絃寂聽多時側鬢蟬彈到樊姬秋竹引
婕妤飛燕莫爭妍

湧翠亭

十年京洛敝貂裘
馬首黃塵學水流
今日君家亭子上
青山如浪屋如舟

武功驛書感

驛有姚合詩刻

武功姚尉最能詩
古驛荒涼卧斷碑
澗水流春山罨畫
料應清味少人知

白桃花

東風別作武陵春
林下盈盈縞袂新
道骨仙姿有如此

鷹門不是去年人

南軒書事四首

鷓鴣隨處一枝安
庭角哦詩歲又闌
不是銅章留客住
鳴皋山月要人看

官舍何殊山崦居
蕭然瓶錫野僧如
問君千里西來意
只為伊陽好著書

孤燈掛壁不成光
白牯青奴共晚涼
清夢初回成獨笑
偶然山雨到叢篁

綸巾羽服卧伊濱清嘯孤吟頗著勲留與後人還要否
南山修竹北山雲

滎河書事

萬里洪河豁醉眸村歌野舞故淹留欲扶公子青藜杖
拄到崑崙最上頭

汾河

汾河詰曲遶靈關邑屋參差夕照間隔岸脩眉畫新綠
郵童指是石州山

題頤貞齋

曾聞天上養賢鼎只與山家煮菜同誰向東堂乞醵炙
劉郎原未是英雄

立春日二絕

閉戶貪抄陸氏方東風不學到伊陽易求合浦珠千斛
難覓江南書一行

竹外梅花出短籬梅邊水暖鴨先知風流好似西湖上
只欠東風媚酒旂

舟泊荻港

水光山色漾丹霞
舟艤鷗沙近酒家
亂撲蓬窗惱詩思
春衣點點是楊花

世綵堂

綠江廖氏多才子
文采風流世所稀
江上雲霞散成綺
年年裁作老萊衣

神禹治水圖

昔年將旨祀河東
曾過龍門嘆禹功
誰築宣房歌瓠子

汾陰簫鼓又秋風

晚春

風吹榆莢飄似霰
雨洗天堦淨如練
佳人別來不相見
却羨游絲逐雙燕

宮人怨

捧鏡宮鬟促曉粧
經春夢不到昭陽
雙雙怕見新來燕
休捲珠簾十二行

宮怨

五雲樓館靜惓惓一閉嬋娟日月深三十六年勞望幸
輕紅淺黛一人心

題馮致遠世父書畫後

筆底江湖一段秋書成蠶尾雜銀鈎故家文物于今少
珍重名郎什襲收

三馬圖

金羈玉勒非吾喜豐草長林樂我天安得圖中此三駿
南山射虎過殘年

枕上聞布穀

退處衡門久謝名田園生計頗關情
松風蘿月洪岡曙
枕上初聞布穀聲

嘉陵驛

嘉陵修竹拂雲長石棧東風覺筍香
指點籜龍呼驛吏
從今館券莫支羊

又

江流迎客縠紋波啼鳥窺人隱綠蘿
撲鼻生香來不斷

東風一路野花多

題水仙

水為環珮玉為裳一種春風各自香
幽恨瑤琴傳不盡至今煙雨暗瀟湘

應真渡海圖

雲海茫茫空復空擔囊飛錫浪花中
好將貝闕珠宮景說與西山面壁翁

題胡古愚李氏婦傳後

見說當年挽鹿車，素風淳範照鄉閭。
日星炳煥班昭戒，華袞褒揚太史書。

金人射獵圖

驚沙獵獵北風寒，馬上呼鷹塞草乾。
壯士還家散如霧，只今餘得畫圖看。

訪袁仲修城西草亭暮行濠上雜花謝盡獨海
棠一株照映籬落間成詩三首

閉門不知綠滿城，春濃睡足午窗明。
今朝憩馬官柳下，

聽得黃鸝一兩聲

玉川破屋城西邊
應門長鬚貪晝眠
鵲聲似報有佳客
蹴踏殘花落馬前

華屋金盤夢一場
也隨風絮落溪傍
天寒翠袖無人識
閒照滄浪試晚粧

題宣和畫鵲圖

修翎豈是懷中物
日轉龍墀奏未終
却是南朝賞神俊
青絳穩繫待秋風

贈玉峯長老

破鑪煮飲把茅間，不信石頭行路難。
要致塗湖千五百，玉峯高並雪峯寒。

停雲晚坐

山郭濛濛雨欲塵，滿園羣綠一時新。
新牘傾竹葉杯中物，報答海棠枝上春。

汾陽道中

映竹桃花取次開，天寒翠袖若為裁。
落紅飛滿汾陰路，

知有詩人紫禁來

東行邃谷僅容駝歷歷蜂房戶牖多想見陶唐餘俗在
黎民擊壤有遺歌

過潼關

天風吹袖下雲台玉井芙蓉為我開行過潼關却回望
半空飛翠逐人來

仙源秋曉

遠是青山近是林仙源秋色雨中深前溪不是桃花水

縱有漁郎無處尋

芝圖

鶴駕羣仙不可追
卷中還見舊題詩
桐鄉祠在荒秋草
圖畫空傳五色芝

晚立

晚花飄盡綠陰涼
輸與蕪菁滿眼黃
老大此身無著處
東風吹上橐駝岡

清明雜詩二首

新綠層層社雨餘
官居瀟洒似禪居
東風無賴吹佳夢
何事重翻架上書

飛來黃鳥最高枝
欲語還休待我詩
忽憶江南消息斷
折花臨水立多時

次西湖東萬初首座

紅葉離離翠葉乾
浮雲散盡楚天寬
推蓬吟得湯休句
留與東山首座看

詞

清平樂

春去

宿醒初醒裊裊吟鞭影蜀道秦川行路永羅袖殘香消
盡清明寒食匆匆能消幾日東風蝴蝶不知春去畫
橋貪趁流紅

菩薩蠻

題李溉之詞卷

大明湖上秋容暮風煙杖屨時來去說與病維摩可人
秋水呵自書盤谷序和了停雲句把酒為君歌濟南
名士多

青玉案

送溫叔剛之解州軍司幕官

東風撲面飄紅雨正杜宇催春去馬首西山青半縷汾
陰簫鼓晉陽煙樹總是消魂處芙蓉綠水佳賓主賭
酒金錢更數若見東臯頻寄語山林真味醉鄉天趣待
我平分取

滿江紅

壽張良卿學士

九萬扶搖試看取垂天鵬翼追往事星辰劔履玉階山
立為問寶香黃閣夢何如仙闕丹臺籍寫風流杖屨入

耆英今猶昔 詩酒部笙歌
席松菊社雲煙 屐早東風
為報日邊消息 虎節貂蟬
端舊物分封 準擬如椽筆
對西山一笑 五千年髯如戟

水龍吟

和鄭彥章韻

畫簷疎雨纔收 酒醒疑掩蓬窻
卧熏爐火冷 餘香猶在
擁衾清坐 點鬢霜明 窺人月小
短檠花墮 想吳山越水
樓臺縹緲 應曾有飛鴻過
寂寞文園 病後舊心情苦
無些箇多 君調我幽蘭新句
紋牋玉唾 花落元都 鶴歸


華表夢誰驚
破待尊鱸江上
高歌小海扣舷相和

御街行

送王君冕

煙中列岫青無數
遮不斷長安路
杜鵑誰道等閒啼
迤邐得人歸去
隴雲秦樹周臺漢苑
滿眼相思處
停杯莫放離歌舉
至剪燭西窗語
元都燕麥又春風
自是劉郎遲暮
紉蘭結佩裁冰
斲句細和閒情賦
君行廣武山前路
是阮籍回車處
問他孺子竟何成
落日大河東注
無人說與遙岑
遠目也會修眉
嫵離宮別館空
禾黍嘯

木魅啼蒼鼠悠悠往事不經心
只有閒雲來去停雲得句歸
雲洞府領取淵明趣



[illegible]